

B-xii - 76

COLLIGATIO ANGELICA

EX

Summa Doctoris Angelici deducta

finè

Originali labe Conceptæ Virgini & Matri

Ineffabili Verbi Incarnati Myfterio fœcundandæ

In

Obsequium

CONSECRATA

SIVE

QVÆSTIONES THEOLOGICÆ

De

ANGELIS, BEATITVDINE & ACTIBVS HVMANIS,

Iuxtâ

Inconcuſſam Divi THOMÆ Doctoris Angelici

DOCTRINAM

DEIPARÆ VIRGINI

ANGELORUM

REGINÆ

cum

Submiſſa Veneratione

DICATÆ

Anno

Qvo Chriſtus de Virgine finè omni Labe naſci

dignatus eſt

MD CC XXI.

Menſis Die Decembris.

C R A C O V I Æ

Typis IACOBI MATIASIEWICZ S. R. M. Typographi.

S V B

Faventissimis Auspicijs

Admodum Reverendi Patris

BRVNONIS

JANICKI,

Fratrum Eremitarum Ordinis S. Pauli Primi Eremitæ,
SS. THÆOLOGIÆ DOCTORIS
EXIMI

Per

Vtramq; Poloniam, Silesiam, & Pomeraniam,
Prioris Provincialis

Dignissimi.

Præside

R. P. REMIGIO SCISŁOWSKI,

Ejusdem Ordinis, sacrosanctæ Theologiæ actuali ac Ordinario
Professore.

à

Venerabili Patre Ernesto GIERCZYŃSKI
Ordinis ejusdem Professo,
Sacrosanctæ Theologiæ Auditore
Publicè

PROPVG NATÆ

Casimiræ ad Cracoviam, In Conuentu
Rupellano Sancti STANISLAI.

IMMACVLATISSIMA
VIRGO
MARIA,



D quorum Nutum cœlestes gyrauntur Orbès, nutibus
Tuis Aquinaticâ pennâ colligati consecrantur Ange-
li, Angelorû Domina & Regina Mirantur conce-
ptum Tuum, Verbo Incarnato fœcundanda Parens !
Cujus exordio, DEUS exordij nescius, ipsaq; obstetri-
cabatur gratiæ plenitudo, quæ Tibi vetuit quidquam edere de Pa-
radisi Cupedijs, quas halitu suo temerarat serpentis vicinia. Me-
liore namque alimento nutriri volebant astra Virginem, DEVM
post alituram; à prægustato enim mortis obsonio, non aptè auspi-
cia viuendi sumeret vitæ alitrix, cui calum rapere libuit, dum a-
lijs pomum. Una es prætergressa Legem: Omnes In Adam pec-
caverunt, in qua Tecum supremus Legum Legislator DEVS di-
spensavit, antè Conceptum; heres gratiæ facta, dum alij vindictæ.
Stupet Natura, quod in primo instanti Conceptionis tue mutarit
ordinem; alibi enim illa gratiam, hîc eam præcedit gratiâ; ordo
præposterus, sed necessarius! prius enim verò ali gratiâ, quàm
lacte debuit Peraugusta Virgo, Æterni Patris Filia, Filij Ma-
ter, Spiritus sancti sponsa, à cuius deinde ubere pependit author
ipse gratia. Nihil hucusq; assignatum esse in Vniuerso, quod An-
gelorum exigeret Existentiâ, approbo Theologus; sed Orator di-
co: DEIPARAM esse, quam, ab æterno prævisam, in tempore ori-
turam, ut in omnibus vijs suis, adeoq; etiam in primo exortu, à

morſu ex orco cuſtodirent, in ſuiſq; portarent manibus, nè in mi-
nimo unquàm offenderet pedem, Angelis ſuis DEVS mandavit.
Una DEO inferior MARIA, graduum inter ſe celiſtudine dif-
ferentes ſuperat ſpiritus, non Natura dignitate, ſed donorum Ex-
cellentiâ. In ſupremo ordine Caeſtis Hierarchie, ſeraphinos colloca-
vit amor; DEI Genitrix Virgo, adeò in amore DEI excelluit,
ut de ſinu Patris Verbu Unigenitum in Cor ſuum diraxerit. Ra-
pius Ream Cælum proclamaret, niſi ex amoroſo in Genus hu-
manum exceſſu, ipſe filius ſe ſe rapiendum offerret; ablatus: quia
ipſe voluit. Excedunt alios Herubim ſcientiâ, at non adæquant
ſua cognitione DEVM; Herubinorum Domina, Domini Ancil-
la, incarnata ſapiëntia Mater, incõprahẽſibile, uno Cõceptu cõpre-
hendit. Si effatum placet Angelici, 3. parte q. 27. A. 5. Quan-
tò aliquid magis appropinquat ſuo Principio in quolibet ge-
nere, tantò magis participat effectum illius Principij ſi In Pu-
ritate excedere Thronos dixero *MARIAM*? nemo arguet. quis
namque magis Puriffimo appropinquavit principio, quam Mater
filio? Claffis 2dæ Calicis ordinibus, infinitudine quadam Grati-
arum Calorum Reginam ſupereminere? in omnipotentem, qui e-
rat ſubditus ei, demonſtrat Imperium. Summus Dominatus! ac
virtus maxima, etiam Numini poſſe imperari. Inſimice tandem
Hierarchie ſpirituales ſubſtantias, Præceſſæ DEI GENITRICI
MARIÆ, ſubſtare; Ius Hæreditarium evincit in Univerſas or-
bis Creaturas. Quo iure evincis Victrix antequam pugnaſſet Im-
maculatiffima Virgo, ut & Angelica Colligatio ex ſumma Docto-
ris Angelici ritè deducta, in obſequium Tuum, inexhauſta grati-
arum omnium virtutumque abyſſus *MARIA* Conſecretur.
Martyrio ſtanislai tinctam Cruore Rupem, ad ſe conſecrandum
Tibi, colligati elegerunt Angeli, ut ſic, velut in Gargani Montis
Vertice, unâ cum ſuo Principe, eorum in Tuum obſequium illuſtri-
or appareret dedicatio. Quam, cum Rupellana Ritu ſolemni,
ſub Tuo Immaculatiffimo Nomine Beatiffima Virgo, celebrat
Congregatio, ſuum Tuo Triumphatrici in Primo Exoritu de ſty-
ge Calcaneo, dicat conſecratque.

Studium Theologicum
Rupellanum,

CONCLVSIONES THEOLOGICÆ.

I.

Dari Angelos, fide Magistra discimus. Horū existentia, potest quidem seclusa revelatione solidè naturali ratione suaderi; non tamen evidenter demonstrari. Non componuntur defactò, nec sunt componibiles ex materia etiā spirituali, & forma. ita D. Dionysius, cujus, in Materia de Angelis, est maxima autoritas; c. 4. de Div: nomin: docet. *Angelos esse spirituales substantias incorporeas, atque omni materia carentes.* Cui accedit Doctor Angelicus hic a. 2. in O. dicens: *Impossibile est quod substantia Intellectualis habeat qualēcunque materiā.*

II.

Angeli, non tantum vi efficacis Decreti Divini, & ab extrinsecò, sed etiam ex Natura sua & ab Intrinsecò sunt Incorruptibiles; ita D. Tho: hic a 5. concludente: *Ipsa Immaterialitas Angeli est ratio, quare Angelus est Incorruptibilis secundum Naturam.* Hæc Incorruptibilitas ab Intrinsecò tam cōnaturalis est Angelo, quam sit debita igni combustivitas: affirmante hoc nobiscum Cyrillo L. 8. thesaur. c. 2. ubi ait: *quæ naturis præcipue insunt, ea respectu Creatoris DEI nihil sunt; quare sicut Ignis combustivus quidem est, sed non DEO, sic & Angelus, immortalis quidem est, sed non DEO; ut pote a quo absolute per annihilationem destrui posset.*

III.

Fide certum est maximam esse Angelorum multitudinem: Apocal: 5. *audivi vocem Angelorum multorum* inquit ille, qui scientiam è pectore veritatis hausit, Discipulus dilectionis. Quis verò in particulari eorum sit numerus? soli Conditori notum est. Nobis interim certum manet: omnes Angelos defactò differre inter se species; & quidem ità, ut absolutè repugnet eos solo numero intra eandem speciem multiplicari. quā certitudine firmiter adhæremus Doctori Angelico hic q. 10. a. 4. in O. dicenti: *si Angeli non sunt Compositi ex Materia & forma, ut dictum est supra, sequitur, quod Impossibile sit esse duos Angelos unius speciei.*

IV.

Angelus est in loco formaliter per operationem; qui licet naturaliter non possit esse simul in pluribus locis adæqua-

B

tis;

tis; potest tamen esse in inadæquatis discontinuis & inter se distantibus, contentis tamen intra spheram activitatis suæ, absque eo quod sit in medio. Primum expressè S. Doctor habet in quodlibeto 1. a. 4. ubi sic *sicut Corpus est in loco per contactum dimensionis virtutis, ita Angelus est in loco per contactum virtutis; si quis autem velit virtutis contactum vocari propter hoc, quod operari est proprius virtutis effectus; Dicendum, quod Angelus est in loco per operationem.* Secundum inde probat, quod sit Angelus virtutis finitæ. Tertiū verò, quod sit in loco per liberam suæ virtutis applicationem ad illum.

V.

Angeli possunt moveri verè localiter, non solum motu continuo, sed etiam discreto, possuntque naturaliter transire ab uno extremo distante ad aliud distans, non transeundo per medium.

VI.

Angelos intelligere ex fide manifestū est, cum eis attribuitur Visio DEI Intuitiva. *Semper vident faciem Patris Matt: 18.* Ad cognitionem intuitivam propriæ substantiæ, atque accidentium sibi unitorum, non indigent specie impressa, cum hæc, utpote vicaria objecti solum requiratur, quādò objectum aut absens, aut certè non satis est proportionatum: *Vnde sequitur inquit Angelicus 1. p. q. 56. A. 1. in O quod per suam formam quæ est sua substantia se ipsum intelligat.* Ad objecta tamen extranea, sive materialia sint, sive spiritualia, indigent speciebus impressis; quas non à rebus ipsis accipiunt; sed in primo Creationis suæ Instanti immediatè à DEO habent eas Infusas; D. Thom. hic q. 56. a. 2. in Odicente; *naturarum tam spiritualium quam corporalium rationes Menti Angelica sunt impressæ secundum esse Intellectuale, ut videlicet per huiusmodi species impressas, tam Creaturas corporales quàm spirituales cognosceret.* Quo sunt in perfectione naturali superiores, cognoscunt objecta per species universaliores.

VII.

Posse Angelos cognoscere cognitione purè naturali secreta Cordium, & futura quæ pendent à libero arbitrio, conjecturaliter, admittimus; evidenter, negamus. Loquuntur inter se, sed non discurrunt, etiam circa contingentia & libera. Locutio inter illos fit formaliter per ordinationem & directionem Conceptuum interiorum ad alterum;

Omnes

VIII.

OMnes Angeli eodem instanti acceperunt gratiam sanctifican-
tem juxta mensuram perfectionis naturalis, ita, ut quo
perfectiores fuerint in perfectionibus naturalibus, eò major
eis fuit à DEO collata gratia, & dona supernaturalia. Qui,
licet ad acceptam gratiam, primo Creationis instanti pote-
rant se disponere; non tamen poterant peccare. ita affirman-
te Doctore Angelico hic q. 63. a. 5. his verbis: *Dicendum:
quod impossibile fuit Angelum in primo Creationis sue Instanti
peccasse, per inordinatum actum liberi arbitrij.*

IX.

Necessesse est in Angelis ponere voluntatem inquit. S. Thom. hic q.
9. a 1. in O. Quæ, quamvis longe excellentiori, quàm hu-
mana, libero arbitrio sit prædita, tamē post Iudiciū completū,
facta plena ac perfecta electione est Intrinsece Inflexibilis. ita
cū S. Tho. tenet S. Fulg. lib. de fide ad Petrū Diac c. 3. S. Ansel.
de liber. arb. & Casu Diaboli. sed omniū Clarissime S. Laur. Lu-
tin ferm. in Fes. S. Mich. his verbis *Post electionem, sive in bono,
sive in malo, Angelus immobilem habet firmitatem, ad quod enim
se vertit, inflexibilis est.* Hac voluntatis libertate abusus Lucifer,
cū Angelis pessimæ Voluntatis suæ socijs, peccavit cōtra DEVM,
peccato superbiæ; Cujus obiectū motivū erat beatitudo natu-
ralis in ordinate volita. Causa potissima, & prima radix obsti-
nationis in dæmonibus est Inflexibilitas liberi eorū arbitrij.

X.

Singulis hominibus etiam improbis & Infidelibus, singuli de-
putantur Angeli in Custodiam; Probabilius, eorum Custodia
ab ortu nativitatis, & non antè incipit; finiturque ultimo vitæ
nostræ Instanti. Quāvis Christus Dominus Custodem Ange-
lum non habuerit; Deiparam tamen habuisse specialem Ange-
lum in sui Custodiam deputatum, constans & vera sententia
scholasticorum tenet.

XI.

Beatitudo nostra objectiva, in nullo Ente Creato consistere
potest, sed in solo summo bono Increato, in quo uno mo-
tus appetitūs plene quiescit.

XII.

Beatitudo verò formalis, nec adæquate, nec inadæquate con-
sistit in actu voluntatis, sed in solo actu Intellectus, nimirū:
In Intuitiva DEI visione. Est abintrinseco inamissibilis. Ejus

objectum essentiale, non potest esse sola essentia Divina, sed DEVS ut est in se, Trinus; adeoque qui per impossibile videret solam essentiam Divinam, non visis attributis & Personalitatibus, non esset essentialiter beatus.

XIII.

BEati necessario amant Deum, tum quod speciem, tum quoad exercitium; sunt ab Intrinseco impeccabiles proximè ex natura beatitudinis. Delectatio, quia gaudent de Deo posito, elicitive procedit ab habitu charitatis, non verò ab habitu fidei, aut spei.

XIV.

Voluntarium est, quod procedit ab Intrinseco cum cognitione finis; unde: impossibilis est pura omissio libera absque omni actu voluntatis

XV.

Actio facta ex Metu, est simpliciter voluntaria, & solum secundum quid involuntaria.

XVI.

Concupiscentia auget voluntarium, minuit liberum; nunquam per se causat, etiam secundum quid, Involuntarium.

XVII.

Possibilis est actus humanus in specie indifferens; impossibilis in Individuo. Primum docet apertissime S Hieron: Episc: 89. ad Aug. scriben: *Bonum est continentia, malum est luxuria, in-
r utrumque indifferens ambulare* &c. secundum D. Thom: q. 18. a. 9. in O dicens *neceffe est omnem actum hominis à deliberata ratione procedentem in individuo consideratum, bonum esse vel malum.*

XVIII.

Voluntas è duobus bonis æqualibus, neutrum potest eligere; nec ex inæqualibus minus bonum.

XIX.

Actus externus actui Interno non addit bonitatem aut malitiam moralem simpliciter, in ordine ad præmium aut pænam essentialem.

XX.

Per se loquendo, licitum est in praxi sequi opinionem sufficienter probabilem faventem libertati; relicta probabiliore & tutiore, favente Legi; siquidem juxta axiomata Iuris: *In dubijs melior est condicio possidentis; semper in dubijs benigniora præferenda esse* &c. & Regulam II. de Reg. Iuris in 6. *Cum sunt paria iura obscura, Reo favendum est potius, quam auctori.*

A.

M.

D.

G.

